

A Monthly Christian Magazine

AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 53 || No. 7

July, 2017



Editor: Rev. Stephen Chinzathang

Synod Kumpuon: **“Ga ding a tel ihi”** (John. 15:16)

Khristian Tangkou

Vol. No. 53 | Issue No. 7 | July, 2017

Editorial Board

- Editor** : Rev. Stephen Chinzathang
- 9863042709
st_stephen@yahoo.com
- Joint Editor** : Rev. Khamchinkhai - 9730933744
- Circ. Manager** : Upa Jansiamang - 9862086615
jansiamang@rediffmail.com
- Bus. Manager** : Kamgenpu - 9974612917
Sye T. Ginzahau - 9974438842
- Cont. Editors** : Upa S. K. Khama - 9856406454
Rev. Awnkhankhup - 9862028921
Rev. M. G. Nebben - 99535042257
Rev. Kalmaunial - 9862913960

ZOU SYNOD ULIENTE

- **Moderator:**
Rev. Mangsuanthang
- **Moderator Elect:**
Rev. Awnkhankhup
- **Secretary (Sr):**
Upa Sianzahau
- **Secretary (Jr):**
Upa Thangchinmang
- **Treasurer:**
Upa Chinsuanthang
- **Statistician:**
Upa S. Nangkhanial
- **Executive Secretaries:**
Rev. Stephen Chinzathang
Rev. Khamchinkhai

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

A sung thu

- Editorial 01
- Thu tuomtuom 03
- Reports 06
- Pu aw Jesu namah 08
- Mihing angka leh Pasion pilna 09
- Na kingahna bang ahiei? 13
- Zuon in tut khawllou in 16
- Noute khovel vah nahi uh 18
- ZPWF Column 20

Thusuo zosie Editor leh Zou Synod
ngaidan ahi kimsih a, a suatute'n maw
a kipuoh chiet ding uhi.

Thusuo dingte Editor kung a pieh
ding ahi.



Editorial

Hun hoi hing pia Mangpa Pasion kung ah thupina, pahtoina pieh in umta hen.

- (1) Khovel a kiningtel ta chi in zong lamdang akisa hi. Hun pei dante, thuthang tuomtuomte guazut leh nisat dante, huipi guapi zut dan leh hui laan dan te i et leh lamdang sahna in akidimta hi.
- (2) Tua ahilai in Pasion in a silsiem te tung ah, abihtahin ei Gingtute a ding a ni poimaw mama Haithah ahing tung ding ahita hi.
- (3) Pasion in eite ahing lungsietnate i ngaituo in lungdam ahuoi hi. Tuabang ahilai in khovel a ei gingtute zong Pasion tate ihina uah Ama tawisang leh a thu siengthou puongzah ding in pang lei a dei huoi hi. Laisiengthou in a hing zilsah maban gin Rom 6:4-8 ah.
- (4) Tuaziehin Pa thuneina in mishi lah a kipat in Khrist a kaithaw banga eite zong hinna tha a ihin theina dingun ashina ah Baptist in Ama toh vuuin i um uhi.
- (5) Aziehpén ashina kibatpi a ama toh ina kizoptah uleh athokiana kibatpi in zong ikizop ding uhi.
- (6) Khelna tahsa mangthai sah a i um theina dingin leh khelna suoh a i um nawnlouna ding un i mihinglui uh Ama toh kilbeh in aum hi chi ithei uhi.
- (7) Aziehpén koi zong a shisa mipen khelna apat zalensah ahita hi.

- (8) Eite Khrist toh shikhawm ihtah uleh, Ama toh hin zong i hinkhawm ding uh ahi chi i gingta uhi.

Tuaziehin unaute Khrist a hinkhawmte ihi uleh tam leitung in ahing zilsah te apat pilvang vai Jesu Khrist in thokiana ahing pieh hinna, Pasian a pientahna nei miten Mangpa Jesu Khrist lungsim leh Pa Pasian deilam bawl ding in i lungtang leh lungsimte kemsienghou vaui. Bangchin tua bang te na hinpi thei diei. Tuabang pen Hai chi tang leinuoi a ashi a ahing sel doh/pou doh bang in eima ki thuzaw vai in kiniem khieh vai in Laisienghou in “nangma na ki it bang inna innvengte it in” ahing chi zopsawm leh Haitha hoi, ga hoi leh Jesu Khrist nungzui hoi i hing suoh ding uhi.

Mangpa’n simtute zousie hing guolzawl taken.

.....

Theisahna leh Chielna

Ahing tung ding July 08, 2017 (2nd Saturday)
10:30am chieng in Zogal Memorial Hall, Zoveng ah Zou lai gel dan toh kisai kikupkhawmna thupitah um ding ahia, tam hun ah Zolai gel dan leh zah dan lunglut pouma hing tel chiet ding in Zou Literature Society in a hing chiel hi.

Tualeh tam Kikupkhawmna ah Mission nasemte (Pastor, Sangshie, Evangelist leh Office Staff zousie zong tel chiet ding a deisah leh chiel ahi uhi.

Thu tuomtuom leh Thumpi dingte



01. Imi Nam susnga Lailam Saipawl, Zou Literature Society (ZLS) vaipaw lel te a din thumsah vaui. I NAMPI a ding a vanzat poimaw tah ang hitheina ding un.
02. I NAM sung a Zou Christian Musical Committee (ZCMC) lamkaiinei lel te adin thumsah vaui. Amauh ten Biehna lam toh kisai a PHATNA LAA te apoimaw bang zel a ang etkai ua, i pawlpi chiet ua ding a Meivah thupi tah ang hitheina ding un.
03. Hattuum Khuttawi bu kibawl tha zaw ahita a, Synod Office ah bangchin lai pou in lei thei zing ahi hi. Tam Khuttawi bu sut tha ah a kimlou tamtah belap ahi hi.
04. Lungdam thugenna & maban thumsahna: Kum leh hate hing liemzel in khovel a kitaidemna Class - X leh XII Board exam result puonkhiet hita. Khum nah mi khenkhat ten lawchinna anga lai un, a khente a ding a lawsap kum bang ana hi zel hi. I gen nuom ahileh akipah umlai in a da akap zong aum ahi. Lawchinna ngate adin Pasian kung ah lungdamthu gen vai in,

alawsam te adin puohsiem na leh thuoh zawna panlahthana te ngetpieh vaui.

05. 2nd Zou Synod Executive Committee thuphasah umsa bangin Mizoram toh Partnership a isepkhawmna uh toh kisai in dated 27th-30th June 2017 sung dai in RPC Vocational Training Institute Rengkai ah Upate leh Pastorte Camp lawching tahin kizang zouta. Amaban bawzuina pen Camperte tahsa hagau a ang gasuo theina dingun Hattuum chin leh mimal chin ana thum zing vaui. Resource Person pen Mizoram Synod apat ahi uhi.
06. Tu leh tu in Ipawlpi sung khopi sunga Hattuum lien umdeute (Gospel for India) team ten vena neilel uhi. Khumnah “Lamka khopi sung a ginglou kol leh vaite thazaw mama ua Khristian a hing kipethate imu chieng tha lawp ahuoi mama ban ah lungdampi huoi mama uhi. Hinanleh hamsatna chi tuomtuom nei ua, a khente damtheina tasam, akhente sum leh pai neh leh dawn a, tasamte ahi uhi. I pantheina lamlam a pang din hing chiel uhi. Pasion kung ah Hattuum leh mimal chin in (GOSPEL FOR INDIA) a din tatlou in ana thum zing vaui.
07. VBS KIZANG ZOUTA: Summer Vocation Holiday ahinatoh June hasung in veng tuomtuom a Sang Naupangten Vocational Bible School (VBS) lohtah leh lawchingtahin Pasion hoina toh zangzou ta uhi..... Lungdam huoi.....? Theme : “PEACE STARS” chi zang uhi.
08. I pawlpi sunga biel chin a PASTOR hina nnasemte leh outside Manipur a umte a minte uh lou in mittui luongkawm in ana

thumpi vaui. Amauten a etkawl uh Belamte ittah a Upate toh kituohtah a angkep theina ding un.

9. Zou Synod etkawl na nuoi a Zou Presbyterian Youth Fellowship (ZPYF) ten 2018 chieng a LAKUTPI a ding District chin a poimaw a sahna mun deute uah Motivation kisahkhol na leh vena nei lellel uhi. Thumna toh ana panpi chiet vaui.
10. ZPCS etkol na nuoi a Zou Presbyterian Youth Fellowship ZPYF Choir te saina in Zou Synod Choir dinkhiet hita i pawlpi a ding a Ama phat leh pahtawina ading a kimute phonghaltu leh VANZAT MANPHA ang suoh theina ding un i thumna uah thei chiet va ui.
11. Pasion Nna gin umtaha ana sem Rev. Tualzachin in ang tung ding July 17, 2017 chieng in Presbyterian Church Hiengzou ah ZPCS Session thuphasah umsa bang leh Zou Synod Pension thuphasah bang hahna um ding hi. Thupina Mangpa pie un!
12. Tualeh Sye Zamkhanthang of T. Munnuom leh Sye Chingen-pau of Muollumte September 09, 2017 chieng in MGP Golden Jubilee Hall ah Pension piehna leh hahkhiet na um ding hi. Mangpa'n asepsate leh amaban lampeina ding te lamzannate toh mapui in umpi taken....!
13. I pawlpi sunga Hattuum chin in July 16, 2017 (Pasianni) pen Hattuumte nipoimaw mama Haitha latna a nuom theipen leh aloh theipen a zang chiet ding in thumna toh kisahhol chiet vaui.

.....

Report

NORTH EAST INDIA CHRISTIAN COUNCIL YOUTH ASSEMBLY

17th BIENNIAL CONFERENCE REPORT.

19th-21st May 2017

17th Biennial Conference report pe thei ding a ka um na tung ah I Mangpa'n thupina tang taken.

Amasa in Simtute I Mangpa Jesu min in chibai ka hing buh hi. Khawmpi mang a kuonte tam anuoi a teng ahi.

- | | |
|---------------------------------------|-----------------|
| 1. T. Thangneilal, Youth Co-Ordinator | 2. Suongliankap |
| 3. James Kapmang | 4. Gouginsang |

Tami Khawmpi thupi, mun leh a zintuntu

Thupi : 'Pasian muonngamna' Danial 1:8

Amun : Diwon Presbyterian Church

Azintuntu : Ribhoi Presbyterian Synod C.E Union Rebhoi District, Meghalaya

Atheituoh Diwon Presbyterian Church tanchin tomkim

Kum 1906 in Thomas Jone leh a lawmten Hattuom anatum ding uhi. Tam hunlai in gingtu (belivers) atom nalai ua, hamsatna leh khemna atuoh nasa mama uhi. Kum 1951 in meikang ah inn kuo (9 homes) apha hi. Mangpa Jesu a akibulphu det jieh un gingtu 238 (belivers) apat 1333 tan pha gingtu akibehlap hi. Upa (Elders) 15 apha a, Sagi(7) a hing nalai uhi. Tua khu kum za leh som leh khat (111 years) ahi nua ahi. Sienthoua lam a etton tah mama uhi. Mi kukal leh ginum ahi jieh un. Pasian in agam uh a guoljawl hi chi mit ngei in muthei in a um hi.

Akimzaw deuh in report ensuh va ui: Tami khawmpi Bussiness Session ni (two) in akikhen hi.

BUSSINESS SESSION - I

Tami hun a Unit palai (delegates) te min lam na um hi. Tami min lamna palai peikhawm teng (347) zathum leh sawmli leh sagi lah vel aki kaikhawm thei hi (approximately). Units peikhawmza Sawm leh Sagi (17 unites) ahi. Tualeh 2017-2019 Budget ding in Rs. 599000 (approximately) ahi chi phuon loh in um hi. Secretary report apat kiza dan in 18th NEICCYA Biennial Conference khu Presabyterian Independent Church North East India (PICNEI) Shillong te muongtah a guot ahi. Silver Jubilee Celebration NEICCYA khu 20th-22nd April, 2018 Umpling Presbyterian Church Shillong aman ding a lemsah ahi.

BUSSINESS SESSION - II

Tam Session hun ah 2017-2019 Office bearer tha kitel dohna um hi. Tam anuoi a teng tel ching a hi uhi:

1. President : Mr. H. Lalthangliana, MTKP, BCM
2. Vice President : Rev. A.I. Kharshling, Jingiasem Samla, KJP Synod Sepgi.
3. Secretary : Rev. Salem L. Hmar, CKTP, EFCI
4. Assistant Secretary : Rev. Jubileethang Hrangchal, PYF, CHT Synod
5. Finance Secretary : Rev. Khrawbok Rympei, Ribhoi Synod CE Union

Tami Bussiness Session poimaw tah tegel zaw ahi nua in Rev. Lalnunzira Secretary NEICCYA in kipahthu genna toh khawmpi Session khah na thumna (closing Prayer) in zawh ahita hi.

17th Biennial Khawmpi man theina ding a hing na puitute leh hing na zintunte tung ah Mangpa'n a tamzawsem in hing guoljawl chiet taken chi tam tangkou tungtawn in report ka hing pie uhi. Genkhiel leh gelval simtute kung ah na ngaidamna uh kang ngen sawnsawn hi.

Mangpa'n thupina tangta hen.

Report petu: - T. Thangneilal, ZPYF Youth Co-ordinator

.....

PU AW JESU NA HI AMAH...?

- *Anonymous*

Meeting kazaw tah un kintah in vanleeng lapman lou ding zau in ka taithaw hiel hi. Ka zi kungah Phone in gintat sang inn lam a kakilekia thei pai ding thu ka gen zungzung a Airport terminal a kinohtaha ka tai leh numei naupang Apple zuoh pal bokha in tuongtung ah a kithezah zengzung a, ka lawmte toh ka kin seng man in Sorry chi'n ka taisan tamawh hi.

Hinanleh zong saulou katun in ka mailam ka sawnthei non sih hi. Ka lawmpa kungah ka ji ana hil inlen next flight ah ka hing pei mai ding. Tam naupang ka panpi poimaw hi chikawm in kintah in nuakia hi. Naupang kung ka tun in kasepthei dandan in Apple kithezahte ka tawm khawmpi a, midangte zong amauh buoi buoi in ana buoi chiet uhi. Theigahte tawmpi kawm in asie leh ahoite ka tuom koisah zou nuo in sum pekawm in ka peisan hi. Tam Numei naupang nun hing han kia a, Pu aw dohna kang dong thei diei? ahing chi hi. Akung ah bawi bang ahiei? na utut hing dong in chikawm in amit ka en kilkel a, numei naupang pen mitto (blind) ana hi nalai hi. Amit apan mittui (tears) luong nieu nuou a, abieng ah luongsuh kawm in tam

thu hing gen “Pu aw Jesu nahi amah”? Chi'n hing dong phut moh hi. Lung phong kawmkawm in bawi aw hilou e Jesu kahi sih nang ma bang thoua mihing pangai ka hi chin a dawng hi. Numei naupang in kum 14 sung mitto (blind) hi kawm in Apple kana zuoha miten Jesu tanchin a gen uh kana zazel a Jesu pen panpi ngaite panpi zel pa ahi achi uh. Kei zong akhatveina din tunin panpi in ka um a, khumziehin ang panpitupen koima dang hilou in Jesu ngei ana hi chi kagingta hi, achitami a ka ngaisutna apei sau mama tam ka silbawl neo khat zieh a Jesu nahi amah? hing chi ahileh Mangpa aw ka hunzatsate ah mite adin silhoi ka na bawl ngai vawt sih a, ki gingtusah in kana dah hamuong mama a, Jesu nahi amah chiding khopa

kana sep thupi loudan...! Mangpa sepding hau hina mai zen ing e...! chia kingaisun vungvung kawmg in ka peisan tahi. Sim tu deitah na talent dia Mangpa'n ang pieh neuseng leh houseng nasa kha zenzen amah? Septhei nei tomseng kisa in na kisit mama hun atam ei? Sil thupitah leh

langsartah bawltheilou (silpieh aneikhalou) zong nahi maithei. Hinanleh na bawlthei sun sil neunou mai zong Jesu min a na sepa ahileh midangten nang apat Jesu meel leh amizie amu ding uhi. Na septhei umsunte sitlou in Jesu min in semkhe zel in aw. Pasian in hing guolzawl taken...!

MIHING ANGKA LEH PASIAN PILNA

(Man's Maths and God's Wisdom)

Tuachin 'ka umpi mipite keng a peithei teng zong nuoiguh ahi uh hakhat pumlum neh ding sa kapeding na chi a, Belam hon leh gan hon tha pieh lei akham ding ua maw? Tuipi a ngasa tengteng zong matsah sieng lei zong akham ding uh e? achia (Num. 11:21-22). Angka (maths) pen subject tengteng laha ka zawla pen ahi.

Kum 1970 in pawlsawm ka exam dingin phamsa Rev. L. Thanzam kung ah hakhatin Rs. 30 pie in tuition kala hi. Class-X exam na ah Maths ah mark 23 chau ka mu thouthou hi. Ka sumsenzah zong kamu zou mama sih. Mathematics umlouna gam ka hing tuntahin ka jang huoi mai hi. Hun bangtan e ka hing upat deu nung in America a MBA kava jilna subject ah finance ana um kia a, ka lel mama a,

ahamsatdan leh ka maban keipen Charter Accountant pen hakhat sung tuition kala kia top mai hi. Naupan lai a tuition lah chimai hilou in upat nung in ka Office room ngei ah angka ka khuot kia charchar mai hi. Khumbang chetin Pasian gam ah zong Angka (Maths) ana um a, Pasian angka imat fuh sih leh gingu hinkhuo peidan ahasa mama mai hi. Pasian angka pen formula 2 chau aum a (i) Athupieh zui leh (ii) Ginna

nei mai ahi. Atawm simna a initeng hinkhuo a i fail deu gige uh hin kathei hi. Pasion gam ah chin leh chinlou in nasemdia hatkhiet kawm nung in zong “mihing angka” in Pasion angka” khuotkhiet kasawm khazel a ka fail gige deu mai hi. Gingtu hinkhuo ichi Pasion angka” a khuot khiet ding ahia, “Mihing angka” a i khuot chieng un ilel in i fail pumlum zel uhi. Nidanglai peha kipan gingtute ana subuoi zingtu ahileh “Mihing angka in sil i suongtuo a imaban ding ihisaap a mihing angka i khuot thopthop khuotkhiet sawm in i buoi zel. Mahni innsung Pasion gam ah chin leh chinlou in na seem van, sepkhiet a aum nungin zong mihing angka in “Pasion angka” khuot khiet ka sawm khazel a ka fail gige mai hi. Gingtu hinkhuo a i khuot chiengin ilel in i fail pumlum tamai hi. Khosahna ding bang, ta leh naute khosah dan ding bang Pasion Hattuum kalsuon dan ding bang i suongtuo nah thei mama uhi. Kei zong kingaituo detdet in ka himan in lungkhamna angka tampi ka khuot doh zel hi. Gimlouna ding ah ka gim

a, lungkhamlouna ding ah ka lungkham khazel hi. Kum 1983 in ka tapa upapen lungtang (heat case) natna hasatah in ang na a, Gauhati Doctor siemten CMC Vellore ah Rs. 250,000 toh peipi ding in ang sawl uhi. Ha khat ah Rs. 1000 ngel zong law zoulou kahiman in ka angka bawl ka gimpi mama hi. Ka khovel angka khuot lah lah a hasa pawltah ahi hi. Ka innkuonpiten ka lawm leh guol sorkal nasemte sumlaw tanpha atheilou uh kanatuotsah a ka poimaw zahzah uh kana thei khe zou tuon sih. Ka beidonna leh lungkhamna ana sa deudeu mai hi. Thuum dan ding hi a ka theitengteng ka lawkim vingin angka formula a suoh khethei tuon sih. Kum khat a hing bei a ka tapa apang veilam a hing zoi nungin Pasion in Ama Angka leh pilna a hing theisah tuon sih. Sekul kai ka khawlsah nungin zong Pasion pilna angka ahinglang himhim sih hi. Gingtu ka hina a Pasion angka ka theiphahloudan ka thei chien law hiel hi.

Evi Angka: Bible a mihing angka masapen khu Evi Angka ahi. Setan in Evi ava sol laiin

Pasian thupieh athei gige pen azui ut sih hi. Pasian thu sangin Gul thu amanziehin singga in amitla mama hi. Nehdia hoi leh mitvahsah thei dia ngai in ahisap azui gal hi. (Gen. 3:6) Pasian banga um ahina thupizaw a alamet ziehin khelna leh puona zauhuoitah angka khatna “Athupieh zui pen a sukhel ziehin Jesu Khros ah ahing shilaw hi.

Sara angka: Sara din ahoi seng hi. Ama hunlai in mihing kum 90 valte a dingin ‘ta’ neilai dia kigintat ahasa mama ding hi. Pasian in athu achiem leh chiemlouthu ahisih. Mihing Angka (ngaituona) in phazoulou himhim hi (Gen. 16:2). Sara Angka pen (i) Kino angka (ii) Mihing hisapna formula ahi (iii) Pasian thuchiem ginglel na formula ahi. Khumziehin a result hoi thei ding mawngmawng ahisih khum Pasian thuchiem angah peilou ziehin a pasal angkawm dingin afui a Abraham in azi thu zui in Hagar apuon inn lam azotpi tuntun mai hi. Abraham in Pasian thuciem umsa sang in aji angka (Maths) pen azui zaw

hi. Sara mihing angka in innsung sietna mai hilouin tuni tanpha in “Human bomb” leh kithana mulkim huoi tengteng ah gakhie hi. Akhohpenin mihing angka pen zahlou hamham ding ahi.

Mosi: Angka: March 7, 2016 kakiteen kum 39 champaha ahi. Pasian kung a kipahtugenna hunte ka zang ua, God Tv. Channel ah Sermon record dingin ahing dei pieh ban ah ka innsung a khovel Angka bangzate khuot ding kanei laitah ahiman in ka buoi mama hi. Khum hunlai in Mosi Israelte Angka a abuoithu (Num. 11:21-22) ka mu in hagau mit a hing kihong huoi hi. Israel ten sa duh a anget lai un Pasian in Mosi kung ah “Nikhat nini mai, ni sawm mai leh sawmni mai hilou, kaalkhat zong hilou in, hakhat pumlum chimtah khopa na nah hawm ua hing potkhie nou adia kidah huoi ahing hi matan (SA) na ne ding uh achi hi. Mosi in Pasian kungah ka umpi mite keng a peithe i teng zong mipi 6,00,000 (Nuoi guh) ahi. Hakhat pumlumsa kape ding na chi mawh? chin adawng hi. Mosi Angka in pen Pa ching ngen

nuoiguh, Numei leh Naupang toh sim khawm in mipi tengteng 1500000 vel neh dinga a Belam neiteng un adailou ding dan thei in abeidong a Pasian in genkhe lahlou lou ding in adei mai hi. Mosi angka pen khovel hisap dan in a formula dih mama hi in ka thei. Ka niteng hinkhuo a angka kana tuotsam dan zong ahi. Buo zong kana buoipi him hi. Nou zong nahithou uh ka gingta. Mosi Angka in Israelte lah a ganhing um tengteng ahona hisap in abuoipi mama mai hi. Tuisuogiet a ngasa tengteng in zong adai zou diei maw? chi'n Pasian adong hiel hi: Ei lawi Hattuum a puitu hi ut a ikiye nasat maizen utoh maw! Upa teelna aum chienga lah buoi zel Local Committee ding iteel chienga ala temperature sang anntangham Committee teel hun chieng a la i BP sang chivel iha thupi lou dan uh. Mihing Angka zang Pasian Hattuumte peisawmte ihi nalai uhi. Pasian in mihing pilna adeilou mai lou in dongkholsa a paikhietsa hi e (I Kor. 1:19; Isai 29:14). Pasian paikhietsa zang a kong na zen hiel in ihisaap in iki sel khop nailai uh

hilou i? I gam Hattuum mihing Angka iha khuot mama uhi. Mosi pen a angka tuot ana dih sih nanleh Pasian houpi chang ana thei hi. Ei lawi in pen eima angka khuot in ikipan a, eima angka ma in izou mai zel uhi. Pasian thu in “Na ngaituohnate uh ka ngaituona ahi sih. Na lampite uh zong ka lampi ahisih (Isai 55:8-9) achilai in eima angka ma in final ipeh suhzel uhi. Akhohsau seng ding hi. Pawl leh Hattuum khenkhat in tulai tanpha in “Ngaituona gen zan” anei zel uh ngainop huoi thouma va maw! Ei lemgelna leh pilna khellam ah Pasian bangkimbawlthei (Omnipotent) in lampi a hing sielsah suutkia vaui i zang khaideu ka gingta a unau nang mihing angka na zanggige lai e? Mihing angka zang a Pasian nuazuite pen ahinna uh akhau a asehdou hi. Seplou dingte sem in, tuoh lou ding tuohna leh sietna ahizel hi. Khumzieh in Pasian angka tunglam formula pen ngaah zou teitei dingin ikingaisiem uh aw Amen.

Ruth Messenger Sept.-Oct. 2017 issue apat lesawn

NA KINGAHNA BANG AHIEI?

Guo ahing zua, lui a hing liena huipi a hing nunga, khumin ang mut zielziel a, hinanleh achim sih hi. Suongpi tunga kilam ahiman in (Matt. 7:25). Lei tung mihing sakhuo nei tapou kingahna neilou um hi. Khristian kichi ten zong kingahna inei a, khenkhat ngel i hinkhuo in pokhe kholsih nan leh eima khawm in bang h un a kipan in i kingahna khat i nei linlien sim chiet uhi. Tutung in piengthasa kichiten i kingah na bang a hei chi kiveltha din tam lou kikum lehai ut huoi kasa hi.

1. Na kilatkhietna mai ah kinga sin: Ataangpi in mikhiel gotmun pei ding i hidan i kithei chiengin khelna kisia a thupha tawi in, Pasion kunga khelna ki puongkhie a ngaidamna ngen mittui, naptui toh ama a iva kipieh khiet chiengin eilam ah thoveng tah in i kizang a, kitawldam phet lou in i kipah mama a, piengtha Pasion “ta” hita in i koi uhi. Tam hun laitaha i thei dia poimaw ahileh bang thu in hing thoveng sah, hing tawldam saha, bang thu kipahpi...? chi kivel chet poimaw mama hi. Aziehpén eilam a lungmuonna, kipahna leh thovenna ahing umzieh in hundamna nei a poimaw pen hi. Pasion hing ngaidamna thei chienlou pi in moh lungmuon thei tham ahi. Setan in thudih kiim

chieng zang a hing lungmuongsah in, hing kipahsahthei tham ahi. Khumzieh in eima kipiehna/kilatna/thovenna tan lel lungmuonpi a lungkimpí himai lou in Pasion hing ngaidamna thei chien lei maw i lungmuong sem ding hi. Pasion hing ngaidamna, Ama lungkimna chiengtah i thei leh hundam hidia i gintat loh lelsangin i lung muong in i tawldam zaw sem hi. Khenkhatte kilat khieh zieha eima lama thovenna leh kipahna hing umte ah i kinga kha uhi. Etsahna i thangpaina iim loua i genkhieh chieng bang i lawm hoi kunga i lunggimna i gen khah chieng in i lawm in “Lawm na puohgih seng hive aw ka hing puohpi ding” chi sih nanleh eilampangzaw deu bangin Pasion kung a i lungtang

hing doute i vagenkhieh chiengin kizangtuom in nuomtuom ma ngei a ngaidam i ngette zong hing ngaidam din kigingta suh mai hi. Ahivangin gintat thu lela kinga a thei telna umloupén tawluhoi mama hi. Tuaziehin eima ngetna lel a kinga ihileh i lungmuonna in sawt hing dailou dia pieunel tunga innlam mi bang in ikichim pai ding hi.

2. Pasion ngaidamna theichienloute dinmun: Pasion ngaidamna ki chientaha athei loute dinmun hundam hiding a kigingta mama napi in hundam kitheitelna tahtah ama un neilou uhi. Ama uh hehna leh thangpaina bei theilou a kolden ua mi dangte khelna zong ngaidam hahsa sa uh. Ama uh khelna sangin midangte khelna amulienzaw ua, mite khelna muthei ding giapin piengtha uh Jesu etsang in ami hinpité uh a enzaw ua, amaute maipha zong asui zaw uhi. Pasion it mikhiel te a itpi tahtah sih ua, Pasion vei leh lainate a veipi in alainatpi tahtah sih uhi. Piengtha kichi nanleh uh adu leh adeite ban ah a lunglutna uh zong kiheng zou tahtah lou uhi. Amau neitu

akihen hoi ziehin. Khumbang mite pen Jesu a kinga khalou ahiman un, ahinna uh tawldam tahtah lou uhi. Aziehpén (aginna uh a hat chiengin um) aki muong mama ua, ginna lama abaa chieng un zauthong leh thomhauna khat anei zel zel uhi. Tuaziehin akingahna uh kip sem dingin theitawp suo in a pang tuntunuh aguuhin tawluhoi tah Khristian hinkhuo zang uhi (Rome 10:2-3) akigen bang in thumna habawl, Biehin kai leh silhoi bawl a theitawp a akisuoh chiengun a kimuonlanate hing bei in sil hoi bawla kisudet (kimuong) kia zel ua, sil hoi bawla kinaamta sawm uhi. Mite'n "Kitheichienna Jesu kei a" achi lai un amau laa pen "Kigintatna nuom Jesu kei a" chi ding abang hi. Hinanleh sil hoi bawl aki suuh zou lou chieng un thawm hauna, lungkiehna leh kimuonlana in zui pai zel ahiman in tawldam lou uhi. Khumbang mite pen zawng nou api'n koi/pom toh ana tekah zel uhi. Zawng nou in a pi koi/poma, api'n singgui ah kiluopi singkung ve kawm tuopi hi. Anou in apikoi zou sungteng kelou hi. Hinanleh

zawngnou khut angkham senga (tukip zoulou) chieng in api kawina khut khazel ahiman in a kip/det theina dia kuhkal taha apan tuuntuun mai ngai a gim mama ding hi. Zawngnou bang deu in kingahna ding dihtah a kinga khaloute pen piengtha kichi napi'n amau lam hahpan zel mai ngai in tawldam tahin um uhi. Nang kingahna bang ahiei? kivel chientha in aw!

3. Hundam kithei chiena neite dinmun: Jesu sisan zieh a khelna Pasian ngaidamna theichienten pen amau uh lama kipahna, lungnopna leh thovenna umte ah akinga ua, akisuonpi sih ua Paul bang in “I Mangpa Jesu Khrist Khros loungal kasuon lou ding dan...? chi in Khros ah hing shi. Jesu ah kinga linlien uhi. Ama uh pen Ngeu (cat) nou nei in a buuh a hen sawm chienga anoute a deeh akei a muom kawm a aviel tuo lai in anoute ana hapan vot loua ama tha pang lou a zoi taha akikhai ngitngeta ama keitu/muomtu a kinga maitoh kibang uhi. Kingahna dih Jesu a kinga ahiman un hundam hihna dia sil hoi bawl a, ki choupen amaudin poimaw nonlou hi. Khrist suongpi kip tunga kingate pen hahsatna huipi ten mut in, guopite thuohin damsung tuipi kihawtten nawh khumkhum in midang sanga hamsatna thuoh bang khop nanle uh ahinna uh Khrist a bittah a seel ahiman in a tunga sil tungte thuohdan a siem ua tawldam tah in aumthei uhi. Bang za taha gih zong pozou dia foundation hoitaha kitou hagau a thuuhpi a zungkal zouta ahiman un, midangte thuoh sang a nepzaw tuonlou sil gih tahtah in del zel nanleh apuo gih puohpi tu ding nei zouta ahiman un. “Ka ha a khawlta long khawlina bitna ah tuipi tung avaa nonlou; tuitunga huipi bangteng a laan in zong Jesu ah kei ka bit den hi” chiin lungkim mama uhi. Khumban ah atung ua sil hoilou hahsatna huoisetah leh muolphou huoipente atun hun in zong Pasian in tam sil deihuoilou guolzawlina suohsah thei ahi! chi thei zel in khovel mite neilou lungkimna thuguuh a nei kilkel uh! Amau neitupa mudan in khovel a muthei ua, a etdan in khovel a enthei ua, khovel suh etdan a siem uh. Amau neitu Pasian itte a iitpi in, a awlmaw leh a veite awl mawpen in nei ua, khovel in aneilou leh mulou van hausatna kepsah

in aum kilkel ua hamsatna leh buoina kalah lungkim tahin khovel azang thei uhi. A hundamna, kingah na uh adih ziehin unau Khrist suongpi tungah na kingata amah? Na kingah na bang a hiei?

Ruth Massenger Sep-Oct. 2016 issue apat lahsawn

ZUON IN TUTKHAWLLOU IN GAMCHIEM

Mangpa Pasion in Aigupta saltanna mun apat Israelte puikhie in gamdai ah Van Mana in vaha, Gamdai ah tuikha tuilim suosah nalai hi. Mangpa Pasion thupieh azui chiengun melmate apatin guolzawna in zui a thu amanlou chiengun guollet zel uhi. Nitengin Mana in Vah a sa aduh chieng un zong aneh ding uh Sa pezel hi.

Tam bang zouzai Mangpa hoina amu uleh atan nungun Khenkhatten Aigupta ma lunggul kia uhi. Kilekia lunggul pawl toh, gamdai a umden mai khohsalou pawl toh kikhenthang uhi. Gam chiem maban zot ding lunggulna himhim neilou gamdai a kikhuol sawm mai, Mana nikhat kham khop chau lah ding thupieh ahilai ua zong duhamna toh kidim in tampipi lakhawm moh uhi. Khumte nehtheilou hing muot in namse zel mama hi. Mangpa thangpaina sunbuohna dia piengkhe asuoh lel hi. Tulai Zoumite hinkhuo ka ngaisut chiengin tanglai Israelte toh kibang ka sa mama hi. I saltanna

Aigupta- Zobel, Sabel lup ngaina sisan a kithoina zau leh ling kawma Pharo nna asepbang ua kipah zieh hilou zau leh lingkawma Setan biehnaw Dawi leh Kau biehnaw potsanta iki chi lai a lutkia lunggul mai hilou in lutkia zouta zong umkiata ihi uh. Aigupta apan gam lapi gamdai itung zouta! Pasion kepna thupitah mu leh tangte bang pen in hing lungkesah ahi ei? Isarelte gamdai ah kum 40 ataam uhi. Eite zong gam chiem tunma in gamdai ah kum bangza itaam ta uoi le? Gam chiem lunggulna zong nei nonlou ihita uh maw le? Gam chiem lunggulna zong nei nonlou ihita uh maw le? Gamdai

a khuol chitaha i kikhuol maizen uh! Nikhat khamkhop mai a lungkim zoulou in Mana ni ni, nithum dai ding khawm nei noi maimai ihi amale? Akan, aval a i khopkhawmte hing namsie a i inn sung leh khopi sung zong namse sahgor ahi diei maw? MANA akan, aval i khopkhawmlai in i innvengte adingteng zong khawmkhawm kha ihi amah le? Unau gamchientung nailou ihi iki hakhuolseng in duham seng damai in. Gamchiem gam itun chiengin natu lou haaigate kiningchingtah na neh ding ana um na ding ahi. Na bawllou khopi leh inn thupitah na luoh ding in hing na ngah Gamdai - Zogam Lamka sangin bit huoizaw hi.

Bethel a Pasian bedia innkuonten Bethel mun tunpi kilawm lou milim Pasiente koikhie in kalsuon uhi. Eiten zong gamchiem lutpi taah lou nei leh lam bangzah i kaikhawm in i sekhawm diei maw! A kan

in lah sienglou guhlah teng toh gamdaiah vui in umta mai a, gamchiem tungzou lou hi. Kora leh alawmte zong gamchiem tung zoulou uhi. Unau gamchiem itung zou sih kha ding kingaisun in aw... Unaupa V. Nunlian laphuoh in ka lungsim hing khoi mama hi. “Mangpa na guolzawlina tang sam dingin Bethel ka zuon uh innkuon kim in, ahinla Sekem a kana khawl lai un Mangpa katate akhiel zouta uh. Na ngaidamna ngen in kang thum Mangpa Bethel gam katun ma in khovel nopsahna, kipahna del in ka innkuon asie zouta hi. Eiten zong gamchiem itunma in Mangpa kung ah i khelnate ngaidam ngen ni Gamchiem luttaahlou in gamdai a i manthai khah ding zau huoi seng hilou maw! unau kumtha i mu utoh kiton in i dinmun uh kivel chien chiet ni uh aw!

Ruth Messenger Jan- Feb. 2017 issue.

NOUTE KHAWVEL VAH NAHI UHI

(You are the light of the world) (Maths 5:14)

- Upa Khupsuankham

“Meivah” umjie, i Bible in na vah uh mite muthei ding in vah hen, achi bang in, sil zousie vah a tahlat ahi chiengin, khum silte hina tahlat khu muthei in ang um a, vah in khun sil zousie amuchiensah a, tuachiin mite’n eite jieh in Mangpa a pahtawi thei ding uh, achi hi. Tua khu “Meivah” umjie ahi.

Jesu Vannei vah ahi dan mihingte gitlouna zousiete lah a salvahtu ahi. Tuajiehin Jesu khu a hundampa a pomte khu a khelna ua pat a sawpsieng ahia, ngaidam zong ahita hi. Tuajiehin Jesu khu a hundampa a pomte khu akhelna ua pat a sawpsieng ahia, ngaidam zong ahita hi. Tuachiin ama zuite khu miellah ah a gamtang tasih ding uhi. Pharisaiten adem ua, nangma thu theisah khu nangma kung tung thu na genna ahi chi’n asel ua agensie uhi. Jesu theipite nga a um ua, tuate khu:

“Tapa Pasion, Baptispa Johan laisienthou asilbawlte leh pa Pasion ahi ua, Pharisaite’n a demna uleh asolna uh thu adih sih chi akilang hi” (John 8:12)

Law sunga “Meivah” umjie khu

min Pasion thu a aneitahtah leh asilbawlte ua akilang ding hi. Damsung khawsah ngaisutna leh ama phattuomna ding jiehin a Pasion nasepna a daal ding ahisih hi. Meivah banga vahna in, ihina igamtatdan ikampau ham leh pau tamte khun Pasion khu ahuom tinten dinga, eite jiehin mite’n Ama a pahtawi thei ding uhi. Tua ahisihleh “law” nuoia Meivah koi bang ihi ding uhi. Pasion mitmu naah bangma aki phuoldap thei sih a, atah leh atahlou khu Aman athei kiukieu hi (Mak 4:2).

Meivah apata kihilna in, mite’n meivah de-in beel akhu ngai sih uhi. (Luk 11:33) a i et leh “law” nuo ah akoi ngai sam sih uh, achi hi. Tamsan a “bel” achi leh “law” achi khu aki bang sih hi. “Law”

khu bang ahei khat tena akizang ahia, sum bawlina lam a gendau hi. Ei gingtute khu isum bawlina uh khu Pasian a ding a ivahna in alie in asel ding ahisih hi. “Lupna” nuoi ah zong akoi samsih uh, lupna in awlmawna neilou, bangma ngaisahlou Pasian nasep donselou leh khawlsanna agen ahi. Mittaw khatin lamkathuom khawmiel lah ah meivah de-in aum a, tuachin miten ama amu ua, apatkah lou uh mabangin ivahna uh khu mite muthei dinga ivah ding ahi. Hundam taten Pasian nasepna ngaisah vatehlou a, eima awlmawna ah inoptatna i ngaisut khah ding khu sil zauhuoi ahi. Gingtute khun Mangpa apata vah lasawntute ihi bou uhi (Luk 8:16).

Paul in na neh uh ahei, nadawn uh ahei leh nabawl tapouma uah Pasian loupina dingin bawl un, Juda, Greek (Zentel) hi’n Pasian Hattuom mite hitaleh midangte kisuhkhahna ding malmal in bangma bawllou ding khu athupi ahi zaw hi, achi hi. Tuabangma a koima phattuomna leh deilam bawlina a zanglou phattuomna leh deilam bawlina a zanglou a; “Midang tampite hundam ahizawh

theina ding uh, aphattuomna ding uh, akipahna ding uh, zoukhuka bawldan ahi”, achi hi.

Jesu Khrist a um, dihtatna GA in dim un chi in, khanna GA chini agen ta, tuate khu “Silhoi” china leh siengthou leh dembei a Khrist Ni a um ahi, Silhoi deipente chi khu Mangkam in (Aproved) ahia, tuapen hoitah a, nua-et a hoivawt e chipina ahi. Tuajiehin, silhoi penpente dei chiin silhoi thei a, ahoina jieh a deithei chi lam a kawh hi.

Ahoi leh adih pen theikhalou a, ahoi leh a dihna tukip tinten chi a um thei a, siengthou leh dembei a um a, Khrist ni tanpha a um khu aga nina ahi. Tam danbei chi khu midangte a dia puasietna hilou china zong ahi, aki chi hi. Itna khu theina leh theikahna toh akhaikhawm leh dei dinga hoipen ithei thei ding a, ihinna khu asienthou taah ding jiehin koima puasietna a hisih hi (Phil.1:11).

Dembei a gamtatna chinteng ah kihenkhie un chi umjie ahi leh apwl in Khrist ana nasepna khu dembei a gamtatna lamni in

akhen a, tuate khu kisiemphatna
leh hoilouna lam zousie apat
a kihem siengthou dingin ama
tahsa ngel ang kipie a, hundam
ihi theina ding leh silpha bawlna

ding a Jesu khu hing kipedoh ahi.
Tuajiehin, Jesu khu hundampa
a pomte dingin hinnatha neina
ahita a, Pasian leh mihingte dei
leh kinepna asuoh hi (Tita 2:14).

ZPWF Column

May 24, 2017 to June 21, 2017 sung a Tunnu Limbel panpina pete

1. Pu Ginsuanhau @ GS Haupu Zou, MLA 60 Singngat A/C	Rs.	50,000
2. PWF Tuibuang Anntang Kg 110 & Anntang taang	Rs.	390
3. PWF Central District GT	Rs.	3,270
4. PWF T. Tangnuam	Rs.	1,000
5. P. Church T. Tangnuam	Rs.	500
6. Rev. Zamlianpau, Lailamveng	Rs.	1,000
7. Nh. Ruth Niangkhanhing, Tuibuang	Rs.	1,000
8. Nu Dimneiching, Central Church	Rs.	2,000
9. PYF LDCC Hiangzou	Rs.	1,500
10. Mission Conference Tuilaphai	Rs.	500
11. Nu Lamneikim, Behiangjang	Rs.	2,000
12. Nu Muangneichiin, Sugnu	Rs.	1,000
13. Nu Chinghauniang, Central Church	Rs.	100
14. Nu Zamneihat, Central Church	Rs.	200
15. PWF Lamka District GT	Rs.	3,270

16. PWF Lailamveng Anntang Kg 135 & Anntang taang in	Rs.	1,350
17. Nu Dimkhanvung, Lailamveng	Rs.	3,000
18. Nu Thangneivah, Lailamveng	Rs.	500
19. Nu Esther Chingneikim, Lailamveng	Rs.	2,000
20. Upa Thangchinhang, Behiangjang	Rs.	500
21. Upanu Ngaikhannian, Behiangjang	Rs.	1,500
22. PWF Tuivai District GT	Rs.	2,320
23. Pa Dousuanhang & Family, Central Church	Mimi Box-1	
24. Pu Michael Ginzasuan, DSO CCpur & Family Zomi Colony Anntang Half Bag-1		

ZPWF 7th Session Khawmpi 2017 (Central Church)

Tunnu Limbel Ginna Thuchiem

Tu-le-tu a pete (June issue sutzopna)

Min,	Khuo/Hattuom	Piehzat
162. Nu Chingngaihlan, Lailamveng	Rs.	50
163. Niangneiching, Lungshai	Rs.	100
164. Nu Nianglianman, Awnchinkap khuo	Rs.	100
165. Dongchinthang, Zomi Colony	Rs.	100
166. Vungdeiching, Awnchinkap khuo	Rs.	50
167. Chingzahat, Kanaan veng	Rs.	50
168. Ngaihoinuam, Kanaanveng	Rs.	50
169. Pamzaniang, Lungshai	Rs.	200
170. Nianghau, Thingkangphai	Rs.	50
171. Nu Goizachiin	Rs.	100
172. Nu Vungneikim, Saiboh	Rs.	100
173. Nu Chingthianmawi, New Zoveng	Rs.	100

2017 | July | Khristian Tangkou

174. Lunzangai, Central Church	Rs.	50
175. Nu Veikhotin, LDCC Hiangzou	Rs.	50
176. Nu Mankhanngai, Lailamveng	Rs.	200
177. Nu Mankhanching, New Zoveng	Rs.	50
178. Nu Vungneihoi, Muallum	Rs.	50
179. Nu Chiindeikim, Kanaan veng	Rs.	100
180. Nu Luanzahat, Bohlui	Rs.	20
181. Nu Mandeingai, Kanaan veng	Rs.	100
182. Pi Vungkhochiin, Zomi Colony	Rs.	50
183. Nu Neelnu, Muallum	Rs.	20
184. Nh. Kimboi, Muollum	Rs.	20
185. Nemhoilun, Tuibuong	Rs.	50
186. L.B Hatkholam, Tuibuong	Rs.	50
187. Nuamzaching, Central Church	Rs.	50
188. Nu Chiindeiniang, S.Belpuan	Rs.	100
189. Nu Niangnuamching, New Zoveng	Rs.	100
190. Upanu Vungzaniang, Muallum	Rs.	50
191. Nu M. Manneiching, Zomi Colony	Rs.	100
192. Nu Chinzaniang, Zomi Colony	Rs.	20
193. Rev. Stephen Chinzathang, Zomi Colony	Rs.	2,000
194. Upa T.Khupthang, Singngat	Rs.	100
195. Veikhoniang, Zoumunnuam	Rs.	100
196. Chiinkhanniing, Zomi Colony	Rs.	50
197. Nu Tingzavah, Tuibuong	Rs.	500
198. Nu Vungnuamching, S.Vengnuam	Rs.	50
199. Kimngaidim, Lailamveng	Rs.	100
200. P. Niankhanching, Lailamveng	Rs.	100
201. Upa Th. Kaikholam, Central Church	Rs.	60

202. Upanu Khamniang, New Zoveng	Rs.	100
203. Nu Chingzaluang, Tuibuang	Rs.	30
204. Niangdeivah, T.Daijang	Rs.	20
205. Upanu Niangkhanman, Behiang (H)	Rs.	50
206. Chiinlianniang, Lailamveng	Rs.	50
207. Donzanuam, Sangaikot	Rs.	50
208. Upa K. Mangpu, Sangaikot	Rs.	100
209. Chiinngaihniang, Zoumunnuam	Rs.	50
210. Upanu Vungsuanching, Tuibuang	Rs.	50
211. Zamneinem, Zoumunnuam	Rs.	20
212. Nu Chiindeikim, Lailamveng	Rs.	50
213. Niangsianching, Singngat	Rs.	20
214. Nu Ngaisen, Muollum	Rs.	50
215. Niangmuanching, Sugnu	Rs.	50
216. Upanu Vialvung, Muollum	Rs.	50
217. Nu Mangzalun, Lailamveng	Rs.	500
218. Nu Chingngaikim, Central Church	Rs.	100
219. Chiiinkhoman, Zoumunnuam	Rs.	50
220. Nianghau, Bohlui	Rs.	30
221. Chiinmang, New Zoveng	Rs.	20
222. Chingzachiin, Zomi Colony	Rs.	20
223. Kamneichiin, Zomi Colony	Rs.	100
224. Nu Lunngaihching, Kanaan veng	Rs.	100
225. Chiinneilam, Awnchinkap khuo	Rs.	100
225. Nu Kimneilhing, Zoumunnuam	Rs.	50
226. Nu Niangsuankim, Zoumunnuam	Rs.	50
227. Dorothy Ngainemthang, Tuining	Rs.	10
228. Nu Manhauniang, Zoumunnuam	Rs.	50

2017 | July | Khristian Tangkou

229.	Vunghoikim, Lailamveng	Rs.	50
230.	Nianghoikim, LDCC Hiangzou	Rs.	200
231.	Pa Thangminlun, Zoumunnuam	Rs.	20
232.	Nu Tingkholam, Zoumunnuam	Rs.	20
233.	Niangkhanvung, Bualkot	Rs.	100
234.	S. Nengzalian, Central Church	Rs.	100
235.	Hatching, Zomi Colony	Rs.	50
236.	Chingboi, Zoumunnuam	Rs.	100
237.	Thuampi, Khaukual	Rs.	20
238.	Upa Enkthothang, N.Khaukual	Rs.	100
239.	Nemzahoi, Daijang	Rs.	20
240.	Nu Chiinhauniang, Lailamveng	Rs.	100
241.	Nu Lamnu, Teisaljang	Rs.	100
242.	Nu Nemngaihlian, LDCC Hiangzou	Rs.	50
243.	Khamngaihching, V.Munhoi	Rs.	100
244.	Vungngaichiin, Lailamveng	Rs.	100
245.	Upa Sianzahau, Zomi Colony	Rs.	500
246.	Nu Ngaizachin, Bohlui	Rs.	100
247.	Upanu Kimkhohoi, Tuibuang	Rs.	200
248.	Khamlianmang, Central Church	Rs.	200
249.	Hattinkim, Lailamveng	Rs.	200
250.	Manneiniang, Lailamveng	Rs.	100


*Aban next issue a sutzop ding.....Adihloute Office a suhdih theizing
ahi. Petu zousie Mangpa'n hing guolzawl in hing mapui zing taken!*

PATRON MEMBER-TE

1. Upe Gouzsang	2. Pu Hax. Khamchinkhup	3. Pu Khamzalam	4. Pu Chinzsuan
5. (L) Upe Liansuanpau	6. Pu Khamchinthang	7. Pu S.Dalthang	8. Upe Kapkhenhang
9. Upe Langginhang	10. Upe S. Nangthantel	11. Pu S. Lamkhohang	12. Upe Dr. M. Lachinkhel
13. Upe Khamchijam	14. (L) Upe D.K.Maniun	15. Upe Suankhenhang	16. (L) Upe Khuppou
17. Upe Chinkham	18. Upe Ngulchinkham	19. (L) Rev. V. Vungzalan	20. Rev. Reid. Kamikhoai
21. Rev. Tualzochin	22. Rev. (Rid.) H. Nongzalan	23. Rev. Aankhankhup	24. Rev. Dr. Hengpi Manian Zou
25. Pu Tuanzapaui	26. (L) Rev. Ginchinjam	27. (L) Rev. Khamzsuan	28. Upe T. Lamkhohang
29. Upe Kheichinhang	30. Rev. Stephen Chinazhang	31. Pu Khupkhenhang	32. Pu Khaldohlan
33. (L) Hax. Khamzhang	34. Pi Vungzuanam	35. Pu T. Gouzsou	36. Upe Liansuankep
37. Pi Zekkhochin	38. Pi Hethangnung	39. (L) Pi Ngathiching	40. Pi Mankhanneng
41. Pu Goukhamhang	42. Pi Chingzalam	43. Pu S. Thianzakhel	44. Pi Kamkhenhang
45. Pu Haukhangpau	46. Pu Tualinhang	47. (L) Pu Dongkap	48. (L) Pi Chingkhamhang
49. Pi Dangkhorlan	50. Upe Hanzakhup	51. (L) Pu Salchinpau	52. Pu Goumang
53. (L) Upe Khamkhenhang	54. Shie. Laangkhanol	55. Pu Khamkhanlan	56. Upe L. Tualkhangpau
57. Upe Jamzuanhang	58. Upe Ginzadong	59. Pu Kalzathang	60. Pi Gouzsuan
61. Pi Thangneivah	62. Pu Khamzathang	63. Pi Danchin	64. Upe Lankhamhang
65. Pu Hachinlan	66. Pu T. S. Lal	67. Pi Gochin	68. Pu T. Khupchinthang
69. Upe T. Kalzalam	70. Pu Paul Henkholol	71. (L) Pu Solkham	72. Rev. P.C. Manga
73. Rev. Khamchinkhel	74. Rev. Jamlanpau	75. Rev. Chinzapaui	76. Rev. Reid. Kamikhoam
77. (L) Upe Chingpu	78. Pu Zamkhenhang	79. Pu Chinglan	80. Mrs. Chinkhauhang
81. Upe P. K. Sole	82. Pu Goukhal	83. Pi Mangkhamhang	84. Evan. Reid. G.L. Joshua
85. Pi S. Chingkhamhang	86. (L) Pu Vumchinkhup	87. Upe Kheikhenhang	88. Upe T. C. Pau
89. Upe Nengchinkap	90. (L) Upe Jamkhongam	91. Upe HT Manga	92. Mrs. Vahkhohing
93. Pu Haukankap	94. Pi Chinu	95. (L) Upe Ngulzakhel	96. (L) Upe T. Gougin
97. Pu Ginzuanpau	98. Pu L. Langminthang	99. (L) Rev. David K.Sante	100. Upe T.S.K. Sante
101. Upe S.K. Khama	102. Pu Jamkhopao	103. Pu Thathang Tathul	104. Pu Kamkhanap
105. Bhim Prasad	106. Rev. M. Kapuanhang	107. Nu Chingndikim	108. Rev. Khupkhanzuan
109. Pi Manzuanhang	110. Rev. Kalmuanol	111. Upe Nengkhenlan	112. Nh. Deborah Zou
113. Pu T. Kuppe	114. Rev. Mingsuanhang	115. (L) Pu Lamchinhau	116. Upe Pauchinid
117. Kinnethol	118. Pu Kangenpau	119. Nh. Mingsuanuam	120. Nu Ngakhamhang
121. P. Sanjiv Zou	122. Upe M. Kaichinkham	123. Upe T. Sianchinpau	124. Upe Sianzathau
125. Pu L. Thienkhaoi	126. Pu Kamsuanhang	127. Upe Th. Kaikhoam	128. Upe Lunchinthang
129. P. Tongthang Zou	130. H. Nehzang	131. Thangsuankhup	132. Upe M. Kamzsou
133. Pu Jamkholan Mankuo	134. Pu Sianzakhel	135. Upe Thanginsuan	

LIFE MEMBER-TE

01. (L) Upe T. Khupkhenpau	02. (L) Pu M. Ginzahau	03. Pu Selzapaui
04. Pu L.C. Paulungnung	05. (L) Pi Khamkhenhang	06. Pi Ngainuam
07. Pu Chinzsuanhang	08. Pu Shanti Kumar	09. Pu Kamkhaohau
10. (L) Pu Khamkhaohau	11. Upe Khamzathang	12. Upe Chinkhenhang
13. Pu Tongzathang	14. Pi Chinneilam	15. Upe Kulthang
16. H/Sm. Upe Kaichinpau	17. Pi Nangzalam	



Presbyterian Church of India T. DAIJANG

Undelivered
Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

e-mail: zpcs@rediffmail.com / zousynod05@gmail.com

Synod Office Telephone No. (03874) 235105

Website: zousynod.org

To,

Edited and Published by the Editor on behalf of the Zou Presbyterian Church Synod